



Segundo a ORDE do 18 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Verín, as medidas que entraron en vigor dende as 00.00 horas de hoxe no noso municipio son as seguintes:

Recoméndaselles ás persoas maiores de 75 anos, ás persoas vulnerables ao COVID-19 e a aquelas que presenten algún tipo de enfermidade ou dificultade respiratoria que se poida ver agravada polo uso da máscara ou que presenten algunha alteración que faga inviable a súa utilización, que eviten saír de casa nas horas de previsible afluencia ou concentración de persoas na vía pública e en espazos ou establecementos abertos ao público, co fin de reducir os riscos derivados da coincidencia con outras persoas

Velatorios e enterros: Límite de vinte e cinco persoas en espazos ao aire libre ou de dez persoas en espazos pechados, sexan ou non conviventes.

Lugares de culto: Límite do 50% da súa capacidade.

Cerimonias nupciais e outras celebracións relixiosas ou civís. Un máximo de cen persoas en espazos ao aire libre ou de cincuenta persoas en espazos pechados.

Establecementos e locais comerciais retallistas e de actividades de servizos profesionais abertos ao público: Non poderán superar o 50% da súa capacidade total e deberán prestar un

servizo de atención preferente a maiores de 75 anos.

Mercados que desenvolven a súa actividade na vía pública. Non poderán superar o 50% dos postos habituais ou autorizados

Actividades en academias, autoescolas e centros privados de ensino: Aforo ao 50% e cun máximo de 10 personas por grupo.

Establecementos de hostalaría e restauración:

- Non poderán superar o 50% da súa capacidade para consumo no interior do local e do 75% na terraza
- O consumo dentro do local poderá realizarse unicamente sentado na mesa, de máximo 10 persoas, mantendo a debida distancia de seguridade interpersoal.
- Non está permitido o consumo na barra.
- Deberán pechar non máis tarde da unha da madrugada sen que se poida permitir o acceso de ningún cliente desde as 00.00 horas.

Hoteis e aloxamentos turísticos e albergues: Zonas comúns ao 50%

Actividades en cines, teatros, auditorios e espazos similares: Poderán desenvolver a súa actividade, contando con butacas preasignadas, sempre que non superen o cincuenta por cento da capacidade permitida en cada sala. En calquera caso, será de aplicación un límite máximo de sesenta persoas para lugares pechados e de cento cincuenta persoas se se trata de actividades ao aire libre.

Bibliotecas, arquivos, museos e salas de exposicións, monumentos e outros equipamentos culturais. Poderán realizarse actividades presenciais sen superar o cincuenta por cento da capacidade máxima permitida, cun máximo de ata dez persoas por grupo.

Actividades e instalacións deportivas. Poderá realizarse de forma individual ou colectiva, sen

contacto físico, e ata un máximo de dez persoas de forma simultánea, sempre que non se supere o cincuenta por cento da capacidade máxima permitida no recinto.

A celebración de eventos deportivos poderán desenvolverse con público sempre que este permaneza sentado, que non se supere o cincuenta por cento da capacidade permitida da instalación ou do espazo de que se trate e cun límite de sesenta persoas para lugares pechados e de cento cincuenta persoas se se trata de actividades ao aire libre.

Piscinas. Límite do cincuenta por cento da súa capacidade e sen que poidan exceder o límite de cen persoas de ocupación.

Parques e zonas deportivas de uso público ao aire libre. poderán estar abertos ao público sempre que neles se respecte unha capacidade máxima estimada dunha persoa por cada catro metros cadrados de espazo computable de superficie do recinto.

A maiores destas novas medidas respecto aos aforos, lembramos a necesidade de manter as medidas de hixiene e protección imprescindibles: lavado continuo de mans, uso de máscara e mantemento da distancia de seguridade.